

INTERLINGUA = IL.

IL. es lingua auxiliare internationale, quale resulta ex labore de « Academia pro Interlingua ».

In IL. omne vocabulo es internationale in forma de thema (radice) latino sine grammatica. Qui scribe in IL. supprime omne elemento de grammatica non necessario.

Inde cum simplice auxilio de vocabulario lafino-lingua nationale (diffuso in omne natione), vos intellige raro vocabulos de IL. non intelligibile ad primo visu.

Alphabeto latino-anglo: a, b, c, d, e, f, g, h, i, j, k, l, m, n, o, p, q, r, s, t, u, v, w, x, y, z.

Orthographia latino: *a*cterno, *h*abile, *p*hilosophia, *t*heatro... Si vos adopta orthographia non latino, vocabulario latino in plure casu non es apto pro consultatione.

Accentus - Super vocale que precede ultimo consonante, si existe.

Caso - Non existe in IL: casu latino resulta ex positione, aut per prepositiones *de*, *ad*, *ab*, *in*.

Plurale - Es indicato per suffixo *-s*: singular *monte*, *flore*; plurale *montes*, *flores*.

Genere - Genere naturale pote es indicato per mas, femina; cane mas, cane femina. Genere grammaticale es inutile; in idem modo concordantia de adjectivo cum substantivo es inutile.

Articulo - Non existe in IL. Ex.: Vos da ad me libro, illo libro, meo libro, illo meo libro, uno meo libro.

Grado de adjectivo es indicato cum voces disjuncto; Ex.: breve, plus breve, magis breve, multo breve, trans breve, ultra breve, extra breve.

Adverbio ex adjectivo - Plure vice es indicato etiam cum voces disjuncto: Petro stude cum mente diligente, scribe in forma elegante, loque in modo claro, canta forte, curre veloce, dormi per longo tempore.

Numeros - uno, duo, tres, quatuor... decem, centum, mille, milione; decem et uno = 11; sex decem = 60.

VERBO - Non habe suffixo de persona; me habe, te habe, illo habe, nos habe, vos habe, illos habe.

Tempore de verbo - Si pharsi jam indica tempore, suffixo es inutile; Ex.: heri nos scribe, cras nos lege. Tempores pote es indicato cum: heri, jam, in prasterio, hodie, cras, in proximo tempore, in futuro. Me vol scribe, me debe scribe, me i scribe.

Modo de verbo - Conjunctivo es indicato cum: *si*, *que*, *ut*...

Infinitivo - Non habe suffixo; ex: stude, excelle, adopta...

Flexione *-nte* de participio presente latino (ama)nte habe internationale maximo; pote es eliminato per relatione: studente = que stude, mittente = que mitte.

Participio passivo latino regulare aut irregular, plure vice vive in derivatis anglo et habe amplio internationalitate. Nos pote elimina illo per inversione: « filio es amato ab matre » = « matre ama filio ».

Publicatione in IL. es multo preferable quam publicatione in aliquo lingua nationale; non es necessario versione de tale articulos in altero linguis, per causa quod lectore comprehende originale scripto ab auctore.

CONCLUSIONE: Pro interesse de vos, pro commune utilitate, vos debe mitte quota de associatione ad Academia pro Interlingua, et abbonamento ad Revista « Schola et Vita ».

ACADEMIA PRO INTERLINGUA

Praesidente G. PEANO - Prof. in Universitate de Torino

Cavoretto - Torino

Thesaurario Ing. G. CANESI - Via Costiglione 1, Torino 105

Quota de Associatione ad Academia Fr. 10 per anno

Torino 8 junio 1928

In die 27 de proximo mense Augusto,
illustre studioso, mathematico, interlin-
guista Prof. P E A N O perveni ad 70°
anno.

Iam ~~uno~~ consocio, uno de Polonia et
alio de Anglia in littera separato in-
vita nos ad assume initiativa per testi-
fica ad nostro illustre et caro Praesi-
dente nostro affectuoso aestimatione.

Nos cum laeto animo approba propositione et propone:

1.aut: Publica in suo honore « NUMERO SPECIALE » reducto ab honorato col-
legas, ab affectionato suo discipulos, ab aestimato consociis de
A. P. I. et abbonato de « SCHOLA ET VITA ».

2.aut: Realiza desiderio de Prof. PEANO cum publicatione de Supplemento
ad suo splendido «Vocabulario commune ad usum de Interlinguistas».

In fine de pagina VI de isto Vocabulario, Prof. PEANO scribe:

* Nos spera de publica Supplemento
ad Vocabulario continente vocabu-
los internationale non latino ».

3.aut: Si voluntario contributio de consocio non suffice per uno de su-
perindicate propositione: dedica ad Illo uno fasciculo de SCHOLA
et VITA.

Nos confida in concorde opinione et collaboratione.

Tamen, ante communica initiativa ad omne consocio, nos desidera in-
terpella fideles consocio que ab plure anno seque infatigabile et multo
utile labore de nostro honorato Praesidente.

Vos pote offer ad nos novo propositione, consilio, approbatione.
In relatione ad responsos nos determina publicatione opportuno
et communica deliberatione ad omne conoscio (excepto Prof. PEANO) ut
consegue collaboratione morale et materiale.

Dum attende responso, nos offer ad vos cordiale salutatione.

Prof. MASTROPAOLO Nicola - Directore de
Schola et Vita;

Ing. CANESI Gaetano - Thesaurario de A.P.I

Post scripto.- Dirige responso ad:

Ing. CANESI Gaetano,
Via Costigliole N° 1 === TORINO 105.

Nos praefer responso in Interlingua; es grato etiam responso in
lingua anglo - franco - germanico - italiano.

hispano